

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA

Broj: T04 0 KT 0056224 24
Zenica, 06.06.2024. godine

OPŠTINSKOM SUDU U TEŠNJU

- sudiji za prethodno saslušanje -

Nakon provedene istrage, na osnovu odredaba člana 45. stav 1. i 2. tačke i) i člana 241. stav 1. Zakona o krivičnom postupku Federacije Bosne i Hercegovine (*Službene novine Federacije BiH, broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14*)¹, **p o d i ž e m**

OPTUŽNICU

P r o t i v:

L. F., zv. „F.“, neosuđivan,

Š t o j e:

Dana 03.12.2023. godine, oko 19,00 sati, u Tešnju, ispred zgrade Službe hitne medicinske pomoći, zaprijetio službenoj osobi koja obavlja poslove javne sigurnosti i poslove čuvanja javnog reda i to policijskom službeniku PS Tešanj P. F., na način da se dovezao pred zgradu Službe hitne medicinske pomoći, te snimajući cijeli događaj uputio prijetnje policijskom službeniku P. F., govoreći: „A. mali, zapamtio sam vas sve, tebe i T., uz'o sam na zub, niste svjesni. Mene kad vidiš u autu, nemoj me zaustavljati, dignut ću te na haubu. Letit ćeš preko haube.“, nakon čega je više puta pozivao policijskog službenika P. F. da skine uniformu i odloži značku, te da se potuku, da bi potom ponovo uputio prijetnje P. F. govoreći mu: „A zadesit će se, otići ćeš u penziju, još koja godina skinut ćeš tu uniformu, a kad je skineš, nisi svjestan...“ , svjestan da ovakvim postupcima ozbiljno prijeti službenoj osobi koja obavlja poslove javne sigurnosti i poslove čuvanja javnog reda - policijskom službeniku, a što je i htio,

Čime je L. F. počinio krivično djelo „Napad na službenu osobu u vršenju poslova sigurnosti“ iz člana 359. stav 1. KZ F BiH,

¹ U daljem tekstu ZKP FBiH.